



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs XIX. Cæli enarrant gloriam Dei.

urn:nbn:de:hbz:466:1-44993

- 41 Tuque hosteis mihi terga dare ac mihi cedere cogis;
Cruca cadit mihi & inuida turba.
- 42 Auctorem casto illi I A M clamore salutis
Tunc furdum in sua vota vocabunt.
- 43 Quos ego comminam ceu nubem pulueris Eurus,
Utque lutum tenuabo viarum.
- 44 Præcipitis mihi tu sedas studia improba vulgi;
Tuque caput me gentibus addis:
- 45 Ignotumque mihi populum seruire vel ipsa
Fama, mihi & parere iubebit,
- 46 Quique alias partes studio feruente fouebant,
Se simulare meos properabunt.
Frondebis en similes illi fluxere, suisque
In septis tremuere pauentes.
- 47 Vinat peira mea, & victor celebretur & altus
I A S atque Deus mihi faustus. (pressi,)
- 48 F O R T I S & ille, hosteis quo vindice & auspice
Quo populos ad fræna coegi.
- 49 Ille & me incolumem eripuit quoq. ab hostibus, alit
Me super infestos dedit hosteis.
Liberum ab iniustis conatibus vsque ferocis
Me dedit ille virique potentis.
- 50 Ergo tuas I A S laudes perregna per omnes
Ipse memor referam bene gentes.
Carminibusque tuum celebrabo in tempora nomen
Gentibus à cunctis referendum.
- 51 Te mihi sacrato regi auctoremque salutis
Cantabunt semperque fauentem:
Teque Dauid regnum ac sobolem creuisse benigno
Cuncta canent ex ordine sacra.

P S A L M V S X I X .

Cæli enarrant gloriam Dei.

D I V I N O R V M C O N T E M P L A T I O
A B S O L V T A .

1 Ad præstantem, Psalmus Dauid. Ode Sapphica.

2 F O R T I S immensum decus & potentis
Dextere numen docet inde apertum
Siderum cursu radiante cælum,
Narrat & æther.

3 Dicit hinc certis numeris dierum
Ordo; nec fuscis variata vultus
Nox tacet, magni aut patitur latere

P R I N C I P I S artem.

Nullus

4 Nullus est sermo sonitusque verbis
 Qui sibi lucis ferat aut polorum
 Vocem inaudiram; sonat illa surdis
 Auribus vsque.

5 Quà patent terræ, penetrant canentis
 Aetheris versus, sonat & rotatus
 Vltimis cursu properante sermo
 Finibus orbis.

Is domum in calis posuit serenis
 Luminis Soli celeri ministro;

6 Qui velut sponsus thalamis decorus
 Emicat altis.

Ille ceu doctus superare cursor
 Prodit exultans, volat & reuersus,
 Fine ab extremo repetitque metæ
 Signa petitæ.

7 Qui licet cæli teneat remotas
 Orbitas alti, tamen vsque ad imas
 Efficax terræ validis cauernas

Ignibus intrat.

8 Quam tamen puram tulit almus IAS,
 Lex valet lassam recreare mentem,
 Et rudem dictis docilem disertis

Instruit IAS.

9 Mandat is quidquid penitus probandum,
 Corda permulcens iuuat; ille quidquid
 Præcipit, purum est, oculosque claro
 Lumine complet.

10 Castus est IAE timor ac perennis,
 Iura sunt IAE quibus ipsa iusti
 Veritas mater, quibus ipsa & æqui
 Munera fulgent.

11 Splendidis gemmis potiora & auro,
 Mella quæ vincunt fluidum & fauorum
 Nectar, & quidquid placet appetenti
 Dulcius ori.

12 Adde quòd te qui colit, ille dictis
 Accipit certis, sibi magna tandem
 Esse te magno officij patrono
 Præmia culti.

13 Quis tamen lapsus celeres ad vnguem
 Præcauet doctus? precor expiato
 Quod mihi errorum latitare cæco in
 Pectore nosti.

14 Motibusque idem famulum superbis
Subtrahe, heu ne me superent; ego tunc
Integer, culpa procul & manebo
Purus & insons.

15 Vt probes oris bona dicta nostri,
Votaque ut præsens animi secundes;
Robur es magnum, meus & redemptor
Et decus I A S.

PSALMVS XX. Exaudiat te Dominus.

VOTVM PRO VICTORIA.

Ad præstantem, Psalmus Dauid.

Ode Dicolos Distrophos.

- 1 **D** Vris temporibus tua
I A S vota, bonus protegere, audiats
Et quo iam ex humili pater
Jacob, emineas nomine tu Dei.
- 2 Ille è sede tibi sacra
Adsit, rupe & opem ferre Sionia;
- 3 Illum & thura vocent, pio
Quæ permixta dabas plurima munere:
V S Q V E aris tibi quod facris
Fumat, gratificos in cineres eat.
- 4 Ille & pedore ab intimo
Quæ nunc vota cies, promoueat volens;
Et quod consilio graui
Vrges, prosper iter propositum beet.
- 5 Nos cantabimus obuij
Te læti & reduce & sospite; tunc Dei
Nostri nomen amabile
Hastis impositum signiferis chorus
Tollet; cum tibi prospera
I A S vota dabit prouidus omnia.
- 6 Iam mens certa refert mihi
I A M mirifico numine dexterum,
Vnctum qui incolumem suum
Orantem excipiat sedibus è poli:
Hunc & vindice numine
Ac dextræ validis viribus eruat.
- 7 Hi currus celebrent ciros;
Hi iactent & equos atque equitum manus;
At noster memor in Dei
I A E plausus erit nomine plurimus.